



## AUZO BILERAK 2024

AUZO: Ergoien

Data	Hasiera ordua	Bukaera ordua
2024/10/02	17:30	19:15

### BILDUTAKOAK:

<b>Udal ordezkariak:</b>	<b>Agustin Lekuona eta Oihana Irastorza</b>		
<b>Herritarrak:</b>	Euskaraz:27		Elebitan:1
	Emakumezkoak:11		Gizonezkoak: 17
	<30 urte:	31-50 urte: 7	51-65 urte: 11 >66 urte: 10

### AKTA:

Gaia	Ekarpena eta iruzkinak
<b>Aurkezpena</b>	Batzarrean landuko diren gaiak aurkeztu dira.
<b>Legealdi planaren jarraipena</b>	<p><b>Lan ildo nagusi edo estrategikoen berri eman da.</b></p> <p><b>Legealdi planaren jarraipena eta urteko helburu nagusiak aurkeztu dira:</b></p> <p><b>2024:</b></p> <ul style="list-style-type: none"><li>- Ongizate saila Fermiñenera lekualdatu da. Elkarlanerako erraztasun handiak ekarri ditu horrek. Erabiltzaileak eta herritarrak gustura daude kokapen berriarekin.</li><li>- Udaleko euskara plan berria idatzi da.</li><li>- Oiartzun irratitari bultzada bat eman zaio. Herrian gai horretan adituak diren zenbait pertsona elkartu dira horretarako.</li><li>- Euskara eta kulturartekotasuna sustatzeko programa abiatu da herriko ikastetxeetan. Gailu teknologien erabilera eginez herrira iritsi berriei harrera egiteko helburua du (guraso bileretan adibidez).</li></ul>



- Aurten lehen aldiz mugaldeko udaleku ibiltariak antolatu dira. 30 bat gaztek parte hartu dute. Datorren urtean ere egiten jarraitzeko asmoa dago.
- Mugikortasun eta energia plana idatzi eta onartu dira.
- Lehen sektoreko doako ordezkapen zerbitzua martxan jarri da.
- Burujabetzen prozesua martxan jarri da. Aurten jardunaldiak antolatu dira Oartzunen Udalbiltzarekin batera.
- Hirigintza aldetik plan ezberdinak daude martxan: Arraguan egingo diren 400 etxebizitzetako prozesu partehartzailea egin da. ELI6 eremuan ere 200 bat etxebizitza egingo dira. Horrekin lotuta, hirigintza ikuspegi feministatik
- Inbertsioetan. Futbol zelaia, bidegorriko azken tunela, Ugaldetxoko lotunea, Zurko baserriko bidezidorra eta Mendinekin ere. Bi lotura berri.

**2025:**

- Herritarren Arretarako gune berria martxan jarriko da. Lehen Sabadell-eko bankua zegoen lokalean egingo dituzte aurrerantzean herritarrek udalarekin lotutako gestioen gehiengoa.
- Mugikortasun plana eta energia plana (Rafael Pikabea...) gauzatzen hasiko dira.
- Atez atekoaren bilketa kudeaketan hobekuntzak egingo dira. Horretarako, Arraguan proba pilotu bat egingo da.
- Burujabetzen prozesuarekin jarraituko da. Mahaiak martxan jarriko dira jardunaldien ondoren.
- Hirigintza planak herritarrekin lantzen jarraituko dugu. Arragua, ELI6 eta Ugaldetxo.
- Musika eskola publikoa sortzeko parte-hartze prozesua egingo da. Aurten lanketa bat egin da.
- Liburutegia berritzeko parte hartze prozesuan lagundu. Eraikina berrantolatuko da, erakargarriago egin eta herritar guztien eskura jartzeko.
- Merkataritza txikia sustatzeko plana egingo da.
- Naturguneen azterketa egingo da, bioaniztasuna zaintzeko.



	<ul style="list-style-type: none"> <li>- Haur etorri berriek euskara ikasteko esperientzia pilotua martxan jarri nahi da. Hezkuntzarekin lantzen ari da gaia.</li> <li>- Inbertsioak: Altzibarko gune estalia, ikasketa gela berria, energian, ur hoditerian, mugikortasunean...</li> </ul>
<b>Ordenantza fiskala eta aurrekontuak</b>	<b>ORDENANTZA FISKALAK</b> <ul style="list-style-type: none"> <li>- Ordenantza fiskalak hiru helburu izanik berri dira:.</li> <li>- Errenten araberako ordenantzak, Klima aldaketaren aurkako neurriak saritu eta etxe hutsak merkaturatzeko hartu genitzakeen neurriak hartu.</li> <li>- %2 igoera tasetan eta KPI-%3,4.</li> <li>- Kohesio soziala zaintzeko, Aztikerrekin azterketa sozioekonomiko bat egin dugu Oiartzungo errealitatea ezagutzeko.</li> <li>- Kohesio soziala. 3975 bizitza unitate Oiartzunen. Familia errentari dagokionez. 50 familia, adin txikiko batekin &lt;13.500€, 50 familia bi adin txikiko &lt;13.500-26.000€.</li> <li>- &lt;13.500€ errenta duten bizikidetzak unitateentzat udako igerilekuetarako prezio murriztu bereziak egon dira.</li> <li>- Trakzio mekanikoa familia ugari errentaren arabera.</li> <li>- Gainerako herrietan bezala, Oiartzunen biztanleriaren zahartzea ikusten da. &gt;65, gorakoak 20 urteetan %8 igo da. Kiroldegian 65 gorakoak prezio murriztua izango dute, zahartze aktiboa bultzatzeko.</li> <li>- Ekonomiarekin lotutako datuak: %75ak zerbitzuetan egiten du lan, industrian gizon eta emakumeen arteko ezberdintasun handia. Nekazaritza eta abeltzaintzan gutxiengoak egiten du lan. Langabezia tasa % 5 inguru.</li> <li>- Transizio ekosoziala (energia, mugikortasuna eta hondakinak). Legeak energia kontsumoak % 35 jatsi behar ditugula eskatzen du. 15 eraikin nagusiak kontsumoaren %85aren erantzule dira. Elorsoro kiroldegia da Udalaren energia kontsumoaren %37a. Energiaren %32 energia berriztagarrietatik etorri behar da. Udalaren zuzeneko kontsumoa jaisteko neurriak. Ekonomia sektoreetan eta etxebizitzetan energia eraginkortasuna bultzatzea. Mugikortasun iraunkorraren aldeko</li> </ul>

neurriak. Klima aldaketaren inpaktuen jarraipena egin: ibaiak, naturguneak, itzalak...

- Hobariak: Energia aprobetxamendu sistemak (eguzki panelak) jarriz gero %50eko hobaria izango da. Instalazioetan %95eko hobaria egongo da. A eta B energia-efizientzia lortzeko eraikuntza, instalazio edo obrak egin behar izanez gero, hobaria izango da, %95 eta %80 bitarte.
- Mugikortasun planean (2024-2028), 5 ildo estrategikotan jasotako 35 ekintza jasotzen dira: Oiartzungo ardatz aktiboak, garraio publikoa, kotxearen kultura murriztea, jarduera ekonomikorako eremuetan eragite eta hirigintza eta mugikortasuna.
- Mugikortasunarekin lotutako hobariak: etxebizitza komunitateetan bizikletak aparkatzeko gune berriak sortzeko obretan %95eko hobaria obren zergan. Interes publikoko obra izendatu beharko ditu plenoak. Trakzio mekanikoen zergako hobariak CO2 isurien arabera.
- Hondakinak: 7/2022 legea dator Europatik eta 2030erako % 70eko birziklatze tasa izan beharko dugu. Oiartzunen gaur egun %78ko birziklatzeko tasa dugu atez atekoari esker. Bakoitzak sortzen duen hondakinaren arabera tasak ordaintzera bideratuta dago legea eta gu ere bide horretara lerratzen hasiko gara. Beste helburua defizit 0 filosofia da. Tasekin ordaindu beharko da hondakinen kudeaketa. Gaur egun, 1.000.000€ finantziatu behar du tasetatik. Orain arte %60 kubritzen zuen tasak eta Udalak gainerakoa ordaintzen zuen. Udalak gastu hori nola murriztu aztertuko du. Aurten, hala ere, hondakinen tasa garestitu egingo da. Ondorengoa izango da tasa: 4€/hilabetean, 56€/lauhileko eta urtean 168€. Gipuzkoako beste herrieekin konparatuz 5 merkeen artean gaude, bilketa sistema dena delakoa dela. Defizit 0-rako, 200€ inguruko tasa beharrezkoa izango da etorkizunean.
- Etxebizitzak: gainkargua etxe hutsetan %100 izango da. Hobari berri bat %50eko hobaria izango da Bizigune edo ASAP programetan sartzen diren etxebizitzentzat.

#### **UDALEKO AURREKONTUA**

- 2025eko aurrekontua 20 milioi ingurukoa izango da.

	<ul style="list-style-type: none"> <li>- Sarrerak: Nagusiki Foru Aldundiko funtsez osatua da. Zergak % 33a. %17a tasak</li> <li>- Gastuak: Pertsonal gastuak gastuen herena dira (%34), diru laguntzetan %18. Gastu arruntak eta zerbitzuak %36,4. Inbertsio errealetarako %10,2.</li> </ul>
<p><b>Auzoa</b></p>	<p>-Egindakoak</p> <ul style="list-style-type: none"> <li>• <b>Kotxeen abiadura gehiegizkoa:</b> Radar pedagogikoak 3 aldiz jarri dira.</li> <li>• <b>Bankuak jarri dira Askosti parean</b></li> <li>• <b>Uztapide plaza berriz itxi eta seinalitika berritu da</b></li> </ul> <p>-Egitekoak</p> <ul style="list-style-type: none"> <li>• <b>Bidegorriko azken tunela</b> berrituko da, udazkenean bertan</li> <li>• <b>Bidegorriko lotura Uztapide plazatik.</b> Azterketa egina dago eta nahiko aurrekontu handia du. Proposamena egoki baloratu da, baina aurrekontuaren arabera gauzatuko da.</li> <li>• Mugikortasun-plana: Koexistentzia gunea, pasabide sigi-sagatsua elementu finkoekin</li> </ul> <p>Hondakinen tasaren igoera aipatzerakoan, auzotar batek komentatu du Oiartzungo tasa beste herriekin konparatuz garestiena dela, eta, gainera, “atez ateko” bilketa derrigortzen dugula. Honen aurrean, gure herriaren ezaugarri beretsuak (5.000-12.000 biztanlekoak) dituzten herrien tasa aztertu dugula eta gure tasa eta baita ST ehunekoak aipatu ditugu. Gure herria baino garestiagoak badaudela demostratuz eta “atez ateko” sistemak birziklapen tasa altuenetakoa bermatzen duela esanez.</p> <p>Gehituko da garraio publikoa auzora? Diskriminatuak daudela diote, garraio publiko egokia denontzat behar dutela aipatu dute. Xorrola Ergoienera iristea eskatzen dute. Taxi busaren maiztasuna gehiago behar dute. 5 pertsona geltokian baldin badaude taxi-busak zer egiten ditu 2 bidai? Ergoiengo geltokian ez da geratzen taxi-busa. Zergatik?</p> <p>Autoen abiadura azkarrak kexak eragin ditu.</p> <p>Felixen eskaera dagoeneko udalean sartua dago eta aztertzen ari dira.</p>

Olaizolatik Pikabea arteko bidea oso arriskutsua dago. Espaloia egiteko eskaera egiten dute. Frontoira haurrak ezin dute joan, karreteratik joan behar dutelako.

Fortalezako zebra bidetik (Zokolo bidetik datozenak) gurutzatzea oso arriskutsua da. Kotxeek ez dute ikusmenik. Fortalezako bide gurutzeta aztertuko dugula adierazi dugu.

Olaizolako zubia oso gaizki dago. Argiak jarri beharko lirateke.

Olaizolatik aurrerako bidea peatonalizatu daitekeen galdetzen dute.

Etxebizitzak egitea pentsatu ote dugun galdetzen dute. Plan Orokorrean aurreikusita daudela esplikatu da baina beti ere promotore bat edo herritar talde batek sustatu behar duela esan dugu. Udalak ez ditu etxebizitzak sustatzen.

Auzokaltetik aurrerako zona ez dutela garbitzen esaten dute. Abandonatuak daudela alde horretatik. Kexak sartu dituztela udalean baina ez dutela kasurik egiten.

Seinalizazioak “bertakoak bakarra” jartzeko eskaera egiten dute Santander baserriko bidean.

Aristiburu Bideko sarrera arriskutsua dagoela esan dute. Hori konpontzeko eskaera. Bidea bera ere konpondu beharra dago. Argia jarri beharra dago. Errekak nork garbitzen dituen galdetzen dute. Izan ere, euri askoko garaietan zabor asko biltzen da bide bazterretan.

Arratoi asko daudela kexatzen dira eta udalera askotan deitu dutela.

Frontoiko zonan zaborra hilabete gutxian bildu gabe geratzen dela esaten dute eta horrek arratoiak erakartzen dituela.



	<p>Frontoia bera atondu beharko litzateke.</p> <p>Lagunzarrene etxeko aurrean argia eskatu dute.</p> <p>Pakin aurreko Pagoako zuhaitzak kimatu behar dira. Orbela asko botatzen dute eta etxeko kanaloiak zikintzen ditu eta gainera itzal handia sortzen du (hezetasuna).</p> <p>Bidaitatik gorako (ezkerretako) bidea konpondu.</p> <p>Uztapide plazako kartelari (janaririk ez...) buelta bat eman beharko geniokeela diote.</p>
<b>Itxiera</b>	<p>Burujabetzetako parte-hartze prozesuaren eta burujabetza jardunaldien berri eman da. Batzarra baloratzeko orria banatu da. Asistentzia orrian jasotako posta elektronikoetara gaurko akta bidaliko dela gogorarazi da.</p>

#### **BALORAZIO ORRIA:**

Hizlariak: bileran zehar emandako azalpenak	8
bilera ongi gidatu da	8
Bileran erabili den metodologiaren egokitasuna	8
Auzotar kopurua	9
Auzotarren partehartzea (ekarpenak egiten)	9
Saioa probetxugarria izan al da?	9
Egunaren egokitasuna	8
Orduaren egokitasuna	8
Lekuaren egokitasuna	9